

自蕃大哥

惠存

初學集  
東游草  
眼枯集  
葬心集

弟  
朱華斌轉贈

海  
鳴  
詩  
存

●海鳴著作一覽

僑務旬刊 每月三次，為國內唯一的華僑宣傳

定期出版物，每冊售洋一角，全年三元三角，國外五

元，外鈔代錢，另有詳表，現已出至九十期左右，凡國

內訂全年者，繳費四元，贈四尺聯一付。

僑務彙編 卽旬刊一至十八期所彙刻，每本售

大洋壹元貳毛。

中國社會政策 每本售大洋壹元。

中國工兵政策 為提倡工兵政策最早最詳

備之書，每本售洋壹元，并隨書各送手書冊頁一張。

以上四種，均僑務旬刊社發行，上海及各埠商務

印書館寄售。

幸求福齋隨筆 海鳴說集 琴媽小傳 學校軍

事教育 以上四種，上海麥家圈民權出版部發售。

求幸福齋叢話上下集 上海大東書局發售。

奇童縱囚記小說 上海中華書局發售。

校勘記

本書為海鳴親校。錯字較少。惟眼枯集第十五版一。心事之第一句紅樓珠箔。雨飄蕭。雨字應作兩字。又葬心集第十五版一遺。一首「四字應再低下二格。以符香夢八首分子目之。其餘如蒙閱者發見另。有錯誤之處。并乞惠書指示。以便再版時改正為荷。

續出各書預告

本社現趕排「華僑指南」一書。將各僑埠團體學校各大商號地址。及華僑名人錄印入。以備國人工商界向華僑方面通信之用。不久即可出版。其次則新編「南荒述異記」。為割記小說體。專記南洋軼事奇聞。以引起國人注重南洋事情之興趣。而文筆高古。出自海鳴手撰。在文藝界上亦可占重要地位。年內亦准能出版。

詩

海

存

鳴

僑

務

旬

刊

社

印

序

昔在軍中喜作文投之報館易報紙瀏覽因而得讀時人所爲詩顧我獨不能乃竊竊效之惟髫年失學固未習此不辨平仄遑論音韻初購詩韻檢閱推敲其聲繼讀唐人詩兼學其體居然無師自通差能吟咏而頗以爲可自娛也建國以前所作較多於今日其稿已散失於夏口獄中不可記憶辛亥迄今積稿幸存朋儕索閱苦於鈔寫乃自爲刪訂刊詩存一部聊存其自以爲可存者然而妄矣

目次

初學集

五律一首 七絕七首 七律三首 共十一首

東游草

五絕五首 五律一首 七絕二十一首 七律四首 共三十一首

眼枯集

五絕一首 五律一首 七絕五十四首 七律十八首 共七十四首

葬心集

五律二首 七絕六十四首 七律四十四首 共一百一十首

中華民國十二年癸亥初夏

海鳴手訂

初學集

辛亥至癸丑

衡陽何海鳴

煙台紀游

辛亥

九點齊煙指顧收  
小蓬萊作小勾留  
儂山不許吾綰  
局真如貉一丘  
明日天涯有風雪  
少年心事重恩仇  
嚴程迂遠今淹泊  
滄海雲帆寫客憂

夜雨惱人有感凌大同及林翠娥眉史近事

獨戍臨江暴遠師  
刼餘煙柳繫勞思  
天台有路逢仙子  
人海惟君是可兒  
一掬風塵知己淚  
十章珠玉定情詩  
翠樓

盼到封侯堦誰分將軍竟數奇

大同時在煙台、爲關外義勇軍軍長、共和成立後、退歸海上、未幾、遇害於武昌、

秦淮河所見

今古滄桑自往還秦淮金粉逐年刪我來更遇凋零日柳  
亂鶯飛去下關

時南京政府初成立、惟下關有伎察、

却後尋春去較遲風光大不比前時酒家却解昇平意新



插當壚五色旗

梳將高髻似層樓不解溫柔不解愁匹馬大刀儂自去春  
閨不望堦封侯

金陵城內有女子北伐軍盤髻於額謂之層樓髻

畫船容易著春光一陣茶香又酒香隔岸笑聲嘈雜處紅  
燈簸影認鴛鴦

辛亥別金陵

朱明帝業秦淮月一例荒涼感不勝我亦鍾情山與水寒

風吹淚別金陵

壬子中秋

一年幾見月當頭好待光華徧九州  
玉宇偏爲雲翳障金盤漸有露珠浮  
豈曾放棹追袁渚卻許褰簾上庾樓  
四十五宵人獨坐寒濤白馬思悠悠

時有人招我北上拒之

出漢口

我笑新黃祖無刀殺正平那堪文字獄  
重見武昌城亂世

頭顱賤狂言魑魅驚書生憑筆舌終讓蟹橫行

金陵圍城中口占 癸丑

誰云孺子僅能文慷慨陳師義薄雲除卻青衫披戰甲書  
生上馬作將軍

落日孤城血影紅江東子弟盡英雄將軍兩日攻天堡立  
馬鍾山第一峯

初學集

初學集終

六

東游草

癸丑至乙卯

過馬關

癸丑

紅日生東海波濤憾馬關雙峯相對立一水曲如環帆影  
埋歸岸笳聲出遠山偶思橫槩處斗覺此身閒

登大阪城聞日本軍官道古城戰事

雄關鎖鑰誰能斬函谷丸泥不可凌故國江山亦天險緣  
何拔幟任人登

箕面觀瀧

瀧、奔湍也、日本語謂瀑布曰瀧、箕面、山名。

奔厓注壑溜泠泠不亞滄浪水八溟欲濯塵纓獨未忍方  
輿積塊盡羶腥

題照 甲寅

終賈動華本絕儔披圖自撰小陽秋當車豈量螳螂臂渡  
海猶存項羽頭未必千年羈獨鶴不妨萬里著浮鷗狂來  
彈劍還多事醉眼輕看百二州

廣渡海猶存項羽頭意更吟一截

烏江不渡天亡楚東海非遙我入吳要待史家論成敗虎  
頭留得未全輸

雜感

仗劍行千里微軀值萬金中原聞逐鹿舉目竟無人  
雞聲中夜起馬背半生過嚴程一努力去日尙無多  
英雄悲失路豎子亦無名惟有蒼生苦頻年不解兵  
恩仇三尺劍風雨一聲簫不堪回首處寒月照歸潮

天津紅葉館題壁

大津、日本地名、臨富士山之陽、琵琶湖在焉、紅葉

館、旅舍名、

霜楓黃日老扶桑有客行吟富士陽放浪來登紅葉館清  
涼疑住白雲鄉山如識面千尋立水不揚波一望長得酒  
可謀今夕醉窮愁孤憤且相忘

妄竄杜句得二十字爲博多常盤館寫立軸

博多、日本地名、常盤館、旅館名、

妖星墜燕地漢將仍橫戈蕭條四海內人少豺狗多



浪華竹枝詞

浪速風流自古傳，浪花飛舞至今妍。  
琵琶爭說和歌浦，爲奏新詞上四絃。

甲寅夏卜居大阪，此間古名浪速，今又名浪華，市外有和歌浦，以琵琶擅名。

銀鑄玉罽綠茶香，一隊紅燈翠帶長。  
南海通前歌舞地，依稀猶見舊時妝。

南海通、街名、演舞場在焉、曾往觀蘆邊踊、藝伎數十人。

舞踊台上、衣曾古妝、

令孃嬌小不知愁寶塚溫泉結伴游博覽古今婚禮後橫  
添一事到心頭

箕面電車盡處、有寶塚溫泉游園、甲寅五月、曾開婚禮  
博覽會、令孃、日本閨秀之稱、

佛門燈火滿山燃梵唄春歌晚後天真個奈良風景好青  
娥齊唱小游仙

奈良、名勝地、大阪時事新報主催萬燈奉獻、並徧徵藝

伎舞踊、以悅納涼者、

誰家姊妹淡妝過、薄薄衫兒薄薄羅、濱寺公園浴海水翠  
鬢丹臉狎輕波

濱寺公園海水浴、大阪每日新聞社主催、間有藝伎往  
浴、翠鬢丹臉、見唐高蟾華清宮詩、

理想郊居理想家、新移茶屋倦紛華、日長風靜無多事、郎  
畫青山妾種花

大阪市外荻茶屋及天下茶屋、營別墅最宜、天下茶屋、

側、有列屋、署名曰理想、郊居處、携養者多樂居之、

古國名都是妾家西京淑女盡人誇辭郎歸去郎心苦天  
滿橋頭盼電車

西京女子多佳麗、天滿橋、京阪電車停留場、

一夜春風徧柳條與郎同  
上大江橋妾心如月郎如水  
月影波光助妾嬌

大江橋畔、有大阪市內公園、

堂島川前暑氣微瓜皮艇子歇涼歸檀郎雙拍鴛鴦樂打

得鴛鴦一處飛

堂島川橫亘市內、可通舟楫、

征嬭孤顰總未忘  
天王寺裏去燒香  
望郎直上通天閣  
蹙損春山不見郎

天王寺、著名古刹、其側有新世界游園、建通天閣、能瞰全市、

西施四首

窮今絕古幾蛾眉  
越艷迎歸退引師  
吳國河山多壯麗  
自

應留住媚西施

十年生聚任人爲有土有民不教之自是夫差無大用奈  
何亡國罪西施

佳人再得豈能期逝水荒濤不可追儻得君王共偕隱五  
湖也合住西施

謀臣一舸隱鴟夷未必煙波可唱隨力闢陶朱非信史不  
容銅臭逼西施

漁家

漁家有女載輕艫學繡紅羅對晚窗忽地停針問阿母鴛  
鴦底事總成雙

哭邱丕振

丕振以甲寅秋遇害京師

萬馬河沂舊舉兵君家兄弟盡知名精魂此日歸天上又  
見東南哭趙聲

海上橫刀望國門中原一髮共圖存斯人一死輕如此沈  
醉天心不可論

哭凌大同

文采風流凌上將曾經北伐樹牙旌英雄用武今無地絲  
竹中年漸有情豈僅辭章驚海內還捐頂踵報蒼生身名  
都付東流水萬古江潮咽恨聲

大同遇害武昌、葬尸江水

哭柳人環

匡山無計掃羣氛天下何人敢哭君不信於期輕首級未  
聞匹磾重盟文檻車萬里勞歸夢衣帶千秋有斷墳身後



殘碁誰管得眼前蟻蛭又紛紛

柳人環、南學會舊人、夙與黃興友善、辛亥建國、任江北副都督、癸丑討袁之役、謀攻上海製造局、前都督某告密、亡命南昌、某黨魁復密電逮捕、檻車送京師、就義柴市、君性亢直、事母孝、以好使酒罵座、爲同黨所忌、故不免於死、身後蕭條、友人盧漢生爲歸骨長沙、

歸國吟 乙卯

興亡國計憑誰問、倒逆人心不可言、我自飄然賦歸去、且

將骸骨葬中原

東游草終

眼枯集

乙卯至丁巳

佳話

乙卯

人生如夢復如煙  
明日白頭今少年  
不向河山爭霸主  
忽來粧閣媚嬋娟  
英雄兒女堪千古  
鬢影刀光共一天  
沒個虞姬垓下在  
項王佳話豈能傳

偶吟

一樹枯花一度開  
笑啼悲樂一時來  
乘風無處求仙骨  
入世何堪賸鬼才  
對水投鞭傳囈語  
高歌橫槩有餘哀  
未能

苦勒懸崖馬亂嶺叢山去一回

海上重來哭汪且齋

且齋、浙江蕭山人、以製炸藥失慎、死上海旅舍、

更無涕淚存枯眼每對河山憶故人碧落黃泉何處是勞  
生猶寄幾回春

題王血痕詩草

曾將豔語附風流傅粉塗脂總覺羞不及王郎清徹骨澹  
懷逸興自然秋

夏寒

黃浦風濤五月寒  
羅衣無表斗嫌單  
小樓一夜村醪盡  
竟日攢眉振齒酸

月冷湘簾懶上鉤  
窗前零落百花球  
惱人天氣還多病  
細雨如絲織亂愁

六月六日有憶

屈指忽驚六月六  
個人生日是今朝  
願花長好人長壽  
圓月無端不可招

小別匆匆得幾時蓬山迢遞苦長思  
篋篋彈徹無人問枉費花前慰藉辭

苦雨青燈萬籟沈依稀猶有舊時沾  
遙憐夜色涼如冰是  
否曾回浪子心

慷慨陳辭本未忘風塵翫體誤  
王昌更爲後會知何日井  
上疎梧葉欲黃

無題

河梁分手路悠悠身世如舟亦暫休  
三月桃花人薄命一

江春水客多愁輕泥黏絮埋空苑細雨含香入小樓獨倚  
薰籠憐歲暮和誰消受此溫柔

與心社諸友論藝

鄭笠父

短唱短歌鄭笠父古詩古意味青醇吾儕碌碌談風雅不  
及此君意態真

鄺摩漢

寫情直似石頭記詞藻優於花月痕一字一詩俱是淚秋

齋那不斷人魂

簡孟平

孟平善詩復善病病骨崢嶸詩骨稜奇句自教人破膽如  
君豪邁亦難能

王血痕

王詩自古多神雋我欲刻摩學得之祇是聾牙多詰屈吟  
秋應佩血痕辭

咏白繡球花



雨繡風拋鎖日愁蝶團晶骨亦清幽芳心歷亂無人問獨  
自玲瓏到白頭

題碎琴樓說部

人到有情都樂死天真如醉不曾靈齊將弱肉供強食豈  
問牽牛織女星

鬼火烹鸞妾碎琴入山惟恐未能深江湖我亦淒涼甚獨  
對華年葬此心

乙卯歲盡日香江病次步蘇眇公贈詩元韻之二卽

寄李惜儂石塘

乾坤何處容孤士造化無心是小兒事後追尋俱夢幻  
眼前消遣祇相思不求去病長生藥且作懷人艷體詩  
莫道別離了無益海南我亦訂歸期  
相逢蓋代多情種卽是吾生不死機百劫蟲沙催歲老三  
春花鳥送人歸縱無久別堪長恨似此孤征應倦飛祇是  
微才遭世亂頻年萬事與心違

再柬惜儂卽以贈別

丙辰

猶憶蘭房五夜長，勞君玉手作羹湯。  
藥爐經卷聽春雨，寶袿羅襦換晚妝。  
不忍自眠分錦被，更憐多病賜瓊漿。  
無端附耳言歸去，一度思量一黯傷。

纔報春來君又歸，初聞涕淚滿裳衣。  
十年滄海萍蹤斷，萬里江南柳葉肥。  
此去願毋忘故友，家居且好伴慈闈。  
望門張儉雖無恙，也覺瘡痍浪走非。

鄧芟郎以江南才女李秋雁相喻，題二截句答之。

時惜儂行未二日。

曾與姮娥同小字安排畫稿情橫波人前我亦何公子不  
在生香館裏過

李紉蘭女士佩金、江蘇長洲人。適山陰何公子，有生香  
館詩集，秋雁四首尤佳，人稱爲李秋雁。

李花再實有重芳偶聽弓弦更斷腸楓葉寒霜詩句好江  
南遙憶杜蘭香

李惜儂一字蘭香，有楓葉寒霜之詩。

題惜儂所造像

肝膽論交到紅粉塵埃無計遣青春搖鞭東指知何日整  
頓全神注此人

呼他天女何曾是比作驚鴻也不宜如此商量忒無賴敢  
將拙筆品蛾眉

倩影終朝畫閣臨僊風恍惚五雲深萬千儀態從頭記別  
有纖華繫我心

無端

無端哀樂近中年去住春心感萬千何事書空長咄咄幾

回顧影尙翩翩英雄屠狗商量徧粉黛青山意態妍亂世  
功名寧足道個儂期我上歸船

醉作

未能婢膝從明主不向空山哭子期天下滔滔無可說低  
心且自事蛾眉  
十年放浪仍如故一劍蒼涼未著痕入世祇今心力倦餘  
生聊報美人恩

擬項羽烏江歌

天心亡楚國愁聽渡江聲美人垓下死羽亦何聊生

馬嵬

曾聞垓下悲虞氏未見烏江渡項王撇卻馬嵬竟西去負  
心應薄李三郎

舊院

舊院風流已昔非舊人瘦損舊腰圍拚將歌扇傳雛鳳賸  
有真圖似漢妃客裏光陰容易老門前車馬卽今稀北邙  
松柏多蕭瑟金雁鈿蟬盡式微

玉臺銷盡舊時紅到此方知色是空錦瑟無端悲逝水落  
花原不怨東風萬千心曲理還亂深淺眉彎畫未工三十  
六天閒倚徧仙姨誰豢可憐蟲

雲母屏風掩淚痕悄無人處立黃昏玉鐙緘札搜藏盡妙  
舞珍歌取次溫碧簾經秋原見棄紅顏欲老敢言恩可憐  
鎖日慵梳洗春到天涯尙閉門

靡蕪山下玉笙寒銀燭秋光夢影單未必長門能作賦早  
知古井已無瀾十年典盡纏頭錦舉世誰傳不老丹檢點



羅衣自歸去空留豔史在長安

心事

紅樓珠箔雨飄蕭黃浦音塵久寂寥單枕殘燈留綺夢隔  
年此日又花朝長天不繫孤飛雁萬里難歸有信潮欲寄  
無因還記取買琴心事未全消

鮑江雜詩

乙卯護國之役、舉兵汕頭、其地在韓江入海處、古  
稱鮑江、旣罷兵柄、遂多冶游、得七截十二、

斗酒名詩錦字斜，雄心收斂到才華。  
雖然腕底多奇氣，祇贈芳塵解語花。

十里平康展霸才，天教俠氣不容灰。  
縱多時望無須惜，難換青春一晌來。

梁園歌管促相思，辛苦難勝酒一卮。  
辜負江南好風景，莽蒼蒼地我何之。

關河寥落故將軍，伐鼓撻金不再聞。  
尙有小鬟勤問訊，自拋紅淚感紅裙。

韓水鮫江載酒行祇今遲暮倦譚兵周郎本自多材略更有春陽顧曲名

茂英年小惑人深酌酒彈絃事事任認得是儂偏問姓暗擡星眼遞春心

將軍戰後如衰柳公子翩翩尙少年檢點征衣作才子也應橫絕大江邊

邯鄲俠子佛心腸欲補人天缺恨長外史他年煩點染此行曾護好鴛鴦

一劍難平氣似騰，救饑救溺事悠悠。  
懶從勝廣較身手，留取勾欄鵝子頭。

同游李生震中，與王桂金校書有嚙臂盟，桂金之假母弗可，予出資助之逃，復爲假母追回，議以兵劫之，未果。

鮫綃欲試更添香，去也應多淚兩行。  
我愛紅兒知惜別，故低螾首學蒼涼。

父老攀轅汕水邊，騶從擁上木蘭船。  
更餘十五盈盈女，問我歸期未忍宣。

扼腕悲歌動地哀  
江山何日得重來  
去思碑在琵琶院  
慚愧春秋殺賊才

贈別眇公

窮通得失非人力  
歌哭悲歡見性真  
世亂忽驚分手好  
留肝膽在風塵

劫後

再來香港作

尙餘螳臂能當轍  
信有蛾眉解用兵  
劫後風雷渾不管  
此

身孤注費權衡

可能

欲把精微意思探可能煎縛赦春蠶不知憔悴爲誰病卽  
有溫馨未忍甘老將旌旗曾負固美人擒縱學征南此情  
縹渺渾難道十載關河一度諳

西江舟中吟寄惜儂病次

春老聞君病時艱我未歸欲將離別意聊悟死生機橫海  
思顏色孤舟渡夕暉個中情脉脉寄與白雲微

戲作

一片降旛入錦帷，微臣拜首請還師。  
閒情欲斷頻看劍，餘勇無多自撒籬。  
細數平生應有感，輕留一諾不能追。  
此身骭體誠何用，獻與佳人慰所思。

冷僧得金陵礮彈一片鐵，是我故物爲題二十八字  
其上

頑鐵無靈幾變遷，沈沙有恨憶當年。  
奈何磨洗供清玩，不在關河甲馬邊。

丙辰八月自海上襍被入京覓陋室居之偶吟一律

卽示麗青夫人

十年征戍夢黃龍此日雙鸞據上封薄有杯盤容小住共  
憐時世隱微蹤孟光舉案猶在李廣無功意已慵且拔  
金釵沽美酒與君潦倒醉臨邛

歡筵贈鼓妓王淑媛

丁巳

忽聞嘈囋大絃聲重觸歡筵一夕情十五容華勞想像三  
千粉黛不分明驚人更作漁陽曲舉座爭憐太瘦生狂俠



溫文舊司馬花叢回顧寸心傾

讚聖辭爲鼓妓王淑媛作

聞道優曇花色殷三千年一現人間三乘聖果從頭記應  
有金輪護法山

八百陀羅聚訟多齊尊王教又如何長安剝落羲之死却  
有津門讚聖歌

前身惴恍天之外小謫塵寰海一隅脫却芙蓉冠子後瑯  
琊今日有仙姝

天南天北孰爲侔信是天鍾第一流容易諸天呈色相盡  
沙草木盡忘憂

聖儀縹渺九天來未許妖紅豔綠堆雲巒虬旌都屏卻輕  
裾搖曳上歌臺

電笑星眸取次通春回八極沐皇風果然日月無私照萬  
里孤臣仰聖功

千重妙諦滌煩襟更有靈犀一意深聖德感人人盡醉醜  
黜默注百年心

曾聆聖訓諭元元恍似天風墮片言  
萬古落花魂幾許一朝蘇盡了無痕

漫天花雨散繽紛急管哀絃唱入雲  
一曲涼州歌戰伐筵前拜倒故將軍

女兒解說英雄事角鼓能將天地愁  
一部聖經無盡義從今不必讀春秋

聖域莊嚴未可階東方執戟解談諧  
肯教入室追陪去第一先呈九子釵

雖乏天厨燴鳳肝也蒙指點奉金盤人前狂吸葡萄盞此  
夕承恩伴聖餐

五鳳樓前再拜辭游仙唱罷更無詩試探香海花王意許  
作金閨國士思

見亦忽忽別亦忽輕留一夢曉車中燒香禮佛尋常事不  
比栽花一念忠

寄趙芝珊館長

小子平生服項羽次公疑我似桓侯勳華韜略都無用文

采風流未可休不信子房還有貌本來新息厭行跡英才  
淪落乾坤老造父東山亦隱憂

輓名伶譚鑫培

一老獨撐大雅音故宮禾黍幾人尋衣冠文物都銷歇到  
此方知字字金

真教此曲歸天上不許凡夫作管窺太息中原人物盡何  
馱歌哭亦無師

眼  
枯  
集

二  
十  
八

眼  
枯  
集  
終

葬心集

戊午至癸亥

自署所居曰葬心室賦此

戊午

回溯年前所擬名如何今日竟題旌死生一例皆芻狗方  
寸相殘亦甲兵佛性鉤玄空色相霸才無地足縱橫萬千  
人海低徊遍孰爲蛾眉矯此情

戊午人日聞賈璧雲歌卽步林畏廬先生韻

亂餘重見恍疑仙小步輕妝色更鮮信有微波傷往事那  
無新句上華箋揚州明月徧天下鄂渚兵塵勝昔年郎尙

精神我遲暮相逢避面舞樓前

賈郎、維揚產、壬子夏、演劇漢上、予適主大江報事、同社友凌大同、介予於郎、未幾、予得文字之禍、隻身逃滬、大同遲未行、得郎贈資、始克出險、郎旋爲偵者嚇脅、亦來海上、劇暇、嘗數相見、時大同復返鄂、以身殉難、郎爲惋傷、諄予勿再履險、予自慚鹵劣、未如郎囑、復有癸丑之役、亡命扶桑、與郎不見者三年、戊午春、郎倦游返京、人日、演鳳陽花鼓於第一舞臺、偕友往觀、殊多感觸、惟頃



近落落、都無好懷、終日閉門獨處、如陳死人、未能與郎  
見也、因紀之以詩、

香廠歌場聽劉翠仙鼓詞

春風紫陌鎖相尋乍見還驚且細斟才調縱橫原有似容  
光煥發歛成今更聞甲馬蒼涼曲信暖風雷遲暮心記得  
長干誇眼力當年丫角卽知音

祇今

祇今追憶落花前姹紫嫣紅一例蠲幾見殉情張夢晉更

無守約杜樊川人琴消息俱難問洛浦音容詎偶然未必  
玉簫真再世果從何處索釵鈿

題雙桂寒香集并唁佛萱夫人

無邊熱淚蕭疎下太息情天出入難也覺夜吟明月冷更  
憐野哭劫灰寒紫鸞飛舞俱空幻青鳥殷勤且探看人事  
音書漫寥寂落英何忍供盤餐

自袖清風辭上國祇愁芳草尙天涯盡邀澤畔行吟客齊  
唱江頭夾路花榮落一般餘夢影死生無路問靈槎東山

昨日猶絲竹笑對何戡指鬢華

海上舊題雙桂集酒酣重話少年時候門未忍稱前度蟬  
影何須怨別枝彤管揚貞原有待白衣走哭更憑誰冰霜  
風月俱千古應與河東柳並吹

衡陽夏繭叟、庚寅北闈不捷、歸於漢上、識廖佛萱校書、  
及佛萱適程提督桓士、繭叟復得見其養女桂喜、後游  
江淮、又遇桂仙、賦詩三章、徵和成帙、題曰雙桂寒香之  
集、辛亥、程提督殉清難、佛萱夫人從死、繭叟時在上海、

設靈遙祭、白衣哭之、并八疊前寒香集韻誌哀、戊午、予  
歸衡陽、爾叟出集索和、並道梗末、亦步元韵辭之、

故園

故園千日在壯士十年歸客夢夜先到兒時景未非前溪  
猶釀酒隔岸亦垂暉更羨隣家子秋來禾黍肥

葬心室雜詩

拋殘心力不禁醉閱遍歡場鮮用情醇酒嬾人兩無分更  
將何法遣餘生

未能割據追前代尙有妝臺寄此身儻使孤忠不見諒立  
錐何地著微臣

天橋訪鼓爨劉翠仙不遇

五陵豪態未全消竟日游驂破寂寥閒扣鞭絲窺上苑吹  
來鼓角近天橋離亭衰柳聲蕭瑟矮屋么絃影動搖一樣  
聞歌舊時地如何不見董嬌嬌

爲祝

爲祝文鴛比翼飛開筵召得妓成圍涼風襲牖知秋至明

月中天覺夢稀舉座豈無情可託此生已分事能違采花  
壓線從頭記十載江湖幾嫁衣

得海上李惜儂書卽答

青鳥銜來尺一書美人消息寄相如隔年塵劫勞飛燕老  
去風懷似晚蕓尙有秋容迷下蔡更携小鳳卜芳居使君  
感嘆無言說餐飯平安報鯉魚

聞說

無端冷落此門前聞說雙成一夕遷春雨不來金燼暗玉

簫何處月華妍，便教反汗寒言約猶憶攢眉怨棄捐太息  
仙人王子晉新闈參得野狐禪

重聽劉翠仙鼓詞

重逢慷慨登壇日是我沈吟短氣時世事蹉跎成白首女  
兒顧盼傲鬚眉

夙聞抗健神奇曲忽奏蒼涼惻楚詞不信小姑亦平淡高  
歌橫涕助人悲

是日歌伯牙聽琴之曲、蒼涼惻楚、力趨平淡、與戰長沙

長板坡各曲異調

劉郎英氣垂垂盡香草閒情脉脉思今日振頑有奇藥翠  
娥詞曲定庵詩

明燈座裏尋常見閃電叢中半面窺正是三河風雪夜玉  
樓天半最相思

贈歌者韓君青

絕節希聲得再聞中興德業合書勳竟能應物窮三界信  
可翻陳張一軍昨日陽春參色相漫天白雪壯情文江南



我亦稱才子愧乏新詞寫與君

韓君青擅崑曲、時人謂爲崑曲中興功臣、吾以戊午冬至日識之、嘗冒雪赴天樂園聆思凡、

內疚

靈府荒茫內疚深、更撐淚眼謝文禽、承恩豈待長門賦、變計真成惜誓心、畢竟中閨具肝膽、可憐鄰女重黃金、便教閣筆無言說、子夜慚惶影與衾、

夢辭

戊午仲冬、有香夢八首之作、方得其五、心魔畢葬、不可復續、及己未春回、杏花天裏、續夢之詩、又得其一、既醒復夢、既夢復醒、是何魔劫、苦我詩思、乃又作遺夢一詩、以了卻此重公案、

香夢五首

香夢迷離似有情、幾回搖落損心旌、微風吹雨俱成幻、倦眼評花不厭精、未必孤行能解佩、豈無餘愛可分羹、空中樓閣尋常事、何故攀條鎖日營、

材略心靈漸次灰  
忍教芳信負紅梅  
眼波可伺如何伺  
眉語能猜未敢猜  
自信平生重然諾  
偶談前定足低徊  
千年古井波翻日  
又種春蠶渾沌胎

聞說空房徹夜悲  
忽驚瘦損幾分肌  
無邊哀怨迴腸盡  
暫強歡娛引步遲  
酒後風懷能跌宕  
人前言語費矜持  
一因果商量遍此  
意蒼茫不汝知

誰償天孫舉債金  
錦茵藩溷任浮沈  
幾多理瑟吹蕭意  
亦有孤臣孽子心  
白髮侵尋驚歲晚  
紅燈隱約助春陰  
朱樓

明鏡都辜負憂患吾生詎可禁

春池春水皺痕多即使干卿亦奈何絕少憐人南郡主不  
無悔過竇連波絲蘿比附拋前誓楊柳芳菲發浩歌祇爲  
垂楊生左肘橫添願力葬心魔

續夢一首 己未

衰年故將感風雷曾向倡門決絕回不信蓬心追斷夢竟  
教星火薰寒灰量珠未必真天合繫烏何堪說自媒一夜  
篋篋忽吹徹累人桃葉接春來

遣夢一首

十載揚州一覺難，樊川此夢忒漫漫。  
眼前恩怨何時盡，皮裏陽秋如是觀。  
不必笙歌強笑樂，儘多世事助悲歡。  
楊枝駱馬雖無恙，都作黃泉碧落看。

殘夢一首

紀夢之詩，已得其七，友人言雙七不祥，宜增一首。

適於南園，恍有所見，回鑿溫夢，又寫此詩。

王謝堂簾本式微，柳枝擺亂燕紛飛。  
月圓月缺皆天意，花

落花開悟道機縱有低眸能惜別斷無餘戀可全歸寒松  
朝槿渾難辨不怨今非怨昔非

晚雪

向南窗閣正初開穩貯冰壺待雪來昨夜微寒生枕席一  
時漫舞下池臺遙知落絮終無主誰分孤山可自媒江令  
不言瓊樹老歲香舊夢有餘哀

滿園詩膽鬪尖叉亂落橫飛整復斜縱說雲團能作繭可  
憐風急不成花埋殘玉樹真辜負製就齊紈有怨嗟檢點

薰爐命芳酒願留歌扇入盧家

差池

一代金閨國士知云何燕羽敢差池本無信史傳天下亦有傾城亂我思正定總存形色界忘機輸盡古今碁回文又得新詞譜未忍吹彈付雪兒

己未雜詩

風雪偏爲壯此行微臣無計阻南征山靈不語黃河遠孰解如潮一往情

送鼓王劉翠仙出都赴上海

猶憶飛眉電笑時雙鬢垂翅唱楊枝如何便縮秦羅髻耐  
我秋齋一夜思

見雜伎弟弟加髻

曾自山陰道上回閒猿野鶴共驚猜此情若待成追憶日  
坐春風玉女臺

與雪五兩度送客東站

殘星未散月華鮮猶有清歌似昔年秋雨茂陵空悵望江



南人在碧雲天

南園聆汪金蘭奏長板坡、殘星未散、月影鮮明、句頗似  
翠仙、

無端容與望高唐、覩得芳隣隔座妝、未可微波通款實、六  
龍齊首禮花王、

公園所見

欲托良媒更費辭、前塵如夢亦離離、憐君尙有關山怨、十  
五王昌誤嫁期、

亡友滄洲生、所眷姑蘇花媛、予既寵以小說、渠則報我良媒、惜所介者爲德不卒耳、適媛自津來、戲再以媒爲託、媛曰、吾弗能爲矣、

不妨金地禮盈盈玉井秋房吐囑精三萬法華都誦遍舒襟心事未分明

唐妓舒襟、以蓮子寄所歡、曰、使君知儂心苦、弟弟昨哺我荷實、誦白居易有風縱道能迴雪無水何由忽吐蓮之句、莫解其故、

古黛寒香徑隱遙，秋來桐柳話飄蕭。久知世亂勞生苦，故以風懷仿六朝。

借麗青夫人訪岷玉於草廡寓廬，承問六朝詩思，與二

十四橋風月。

華嚴佛髻似青螺，慘淡妝成影欲娑。卽此散花人亦病，初禪孰與慰維摩。

雪五贈我倩影，作天女裝，病容宛然。

此夕何期遇洛靈，當前歌吹發奇馨。能容平視劉公幹，許

作花房第一星

贊美小金鋼鑽、

選曲徵歌舊浪傳、旗亭遺韻付雲煙、誰知崔護重來地、又對蓉花一惘然、

於香廠高樓、憑弔劉王遺跡、得觀孫蓉彩唱祭長江、

世間何物是悲歡、哭歌無妨自在觀、獨有小鬟工感慨、兩行紅淚濕冰紈、

民聲社演悲劇、隔廂女郎、約七八齡、凄然雨涕、

幾人花月負良時何處松蘿可託絲我已心魔齊葬卻祇  
期都嫁弄潮兒

花叢舊識、多嫁人者、友人荷生曰、但願此輩俱從良、而  
所從之良非我、

當筵爭拜女君房口角脂尖咳唾香寂寞王孫悲斷夢更  
餘清怨聽滄桑

美弟談六雲遺事、

不容輕市解衣恩捉到征裾未忍言畢竟狂生怕多事夜

寒風急駛歸軒

花間膩友、碩果僅存、強笑尋歡、及於劇座、秋風蕭瑟、應  
憐翠袖之單、子夜丁寧、尙有綈袍之贈、縱饒情慄、再誤  
何能、不意驚鴻、一寒至此、

釵痕釧影一鐙中、溯古廻今意態雄、識得玉兒真、姓字刀  
環弓箭擬河東

借十三妹觀兒女英雄傳新劇、三妹云、自家亦姓何、名  
玉鳳也、可謂巧合、

百鍊修成忍俊功，別無後約語驚鴻。何須誦我司香事，應問蒼茫造化工。

雪五似欲調我一事，吾默然。

儻蕩風懷未可刪，狂奴故態信強頑。愧無彩筆題天女，聊取金貂贈錦鬟。

與麗青夫人合贈雪五鼠裘扣衷、紅葉來書，謂衣殊佳妙，有颺風舞雪之致，末謂伉儷簞和、金貂合贈，亦佳人之佳話。

庚申南遊雜詩

城頭漁火橫江口夜半微車發下關納首窗蘭剛睡醒忽  
驚芳碧駐春顏

滬寧夜車中口占

傳聞老大益悲傷  
菲菹清貧塚庾郎  
十里申江無問處  
小樓春雨夢荒唐

聞惜儂已嫁

尚有人前一領情  
低眸偷覷幾心驚  
奈何憔悴春光下  
不



復當年豐浦英

於大世界見鼓王劉翠仙

紅妝瑜亮復同時縱有陰符亦費思畢竟兩賢肯相下各  
驚瓌豔與神奇

僧阿巧聽劉王鼓曲

去去還多戀戀心拂衣牽袖幾沈吟難忘細雨春燈夜累  
汝回波更一尋

月圓之夕、夜鐘將沉、阿巧不忍去、吾倚欄送之、危樓三

折、每一回顧、至最下層、猶翹首彎腰望我也、

龍蟠舊夢幾時溫、曠劫重生不可論、莫笑霸才今老去、儘  
多驍勇唱西崑

阿巧垂問、個兒郎龍蟠虎踞、亦能詩不、

病次

中年世慮漸難刪、小試鋒頭便已瘳、病倦始知謀事拙、老  
來愈覺用情艱、不妨淡泊學高臥、偶作呻吟亦耐閒、妝閣  
商量好偕隱、人間何處是青山

夜坐讀劉越石集有感

弱冠雄豪負盛名聊將辭賦媚公卿  
一般金谷園中客不  
拚王孫儻朗聲

豈因從賊惜佳人衆醉如何可自珍  
信有奇韜須表見不  
關傾附趙王倫

如斯快戰已無多八百驃騎盡渡河  
未必祖鞭先一著長  
安新指晉陽戈

百歲人心重漢劉豫州死後又并州  
儻能控御懷天下龍

種終場豈列侯

未聞聲色累賢英縱逸奢豪見性情末世無須深矯厲悲  
歌長嘯亦奇兵

不堪價重誤年時芳草幽蘭有豔思人影相憐到花朵將  
軍遲暮感胡姬

最難拜表動君心豈有盟文足斷金畢竟辭章無用處解  
人何可望盧諶

縱化柔鋼氣亦雄艱難轉徙一生中未教賊壘埋忠骨豚

犬諸兒誤乃公

六味齋雅集賀女伶金少梅封文豔親王并聞陳常  
侍話老金月梅故事卽步廉南湖韻咏之

瓊宮靈蚌獲神胎應是姮娥作意栽一佛出塵隨劫轉五  
雲多處帶星來生成帝子粧花額不負中郎累葉才回首  
紅羅亭畔路詞人本事費詳猜

王母重章本絕塵鳳城此日有雙身渡頭桃葉偏無恙夢  
裏梨雲恐未眞月落空林啼翠羽天留婪尾步繁春廣平

得體工辭賦徐庾南朝最可人

狂花十萬禮天龍亦有珪符絳簡封玉笛齊邀今夜月清  
歌吹送滿城鐘豈無勳伐王劉賈又見江湖重魯恭昨日  
沁園東郭外金根劍履信菴蓉

偶從廨館一廻腸聽曲題詩更擅場大夢頓醒千日酒爲  
君重整十年狂未聞陸凱傳芳信卻許劉楨染異香天樂  
殷勤環珮遠幾回彈劍引盃長

庚申雜詩

果然小篆巧摹臨珍重丹黃兩字金留得雙魚親手澤阿  
環還具補天心

阿巧有約、凡來書必親署名、某次情人作書、名已代署、  
乃挖補而重寫之、

僞傳片語忒無因垂老風懷誤此人朔雁江魚都寂寞祇  
容方寸貯眞眞

與阿巧約後會、至期弗往僞詞報之

天孫此夕降雲軿天上幽期豈不經料得猗蘭游宴夜有

人淚眼望雙星

七月七日、是阿巧生日、

平生抱負豈無多絕業、名山事已過一例、花叢懶回顧、忽  
錫醉眼對黎渦

贊美雜妓一美、

稗說曾爲記此人、零香片夢憶難真、琴操自古無消息、重  
見雲英亦可珍

素珍校書、建國之初、樹幟海上、屬身花氏、榜曰雲仙、在



野諸姬、推居班首、名位之尊、上蟻呂后、其後超遷書、  
遠涉京津、下嫁閩南、歸於左海、中道先捐、百年無託、子  
身引去、八埠重來、容華漸謝、嬌媚猶然、縱感流光、尙存  
雅態、吾舊識其妹仙琴、吾詩六月六日有憶四截、心事  
一律、祇今一律、均爲仙琴而作、并有小說記之、對景懷  
人、益增感喟、廻腸盪氣、寄之詩歌、

層樓兵火結幽栖、怨語無端利似犀、倘得十離新句子、杜  
鵬從此不須啼、

怨鵬與友人某避兵西人旅舍忽生勃礙予詩調侃之  
未容歌吹哭真娘芍藥回魂信有香應是隔江煙月好娥  
眉一死太倉皇

雪五爲債所迫舉吾囊所贈金錢吞之房侍力救得不  
死

六朝詩句本曾精漢魏文無一筆平欲狀雄風吟鼓子最  
難歌贊此英聲

再憶鼓王劉翠仙

北邙松柏結同心，油壁青驄各有琛。  
我本徐陵工錦瑟，更斟新句咏文禽。

詩伎花風玉歸同院友趙東藩

世亂何由得苟全，華燈綺席聳吟肩。  
還嫌字裏多奇氣，祇唱伶工劇幾篇。

直隸戰事初起，予方與人組織票會，擬偕弟弟合唱跑坡、弟弟寄語，何公子與我不淺，世亂如麻，還有心唱戲耶。

紅樓讀後更無書別有窮愁費掃除世味禪機都悟透與  
誰携手返清虛

秋夜與弟弟譚小說、弟弟曰、既閱紅樓夢、男子皆做和  
尙去、女子亦傷心欲死、無他書、可看矣、

一曲清歌足斷腸更無緣法挽參商多情祇合空山去白  
首黃泉事渺茫

與弟弟譚蘇州小調、弟弟言、鮮花調跳槽七大段、姊妹  
中鮮能畢其辭、如歌至尾聲、則斷腸死矣、又言小調中

故事、無終局得團圓者、惟四季相思郎君歸耳、又小調  
中無有情之男子、亦惟玉蘭花調中個兒郎肯念彌陀  
也、

愧乏東藩七步才、金珠玉枕爲誰哀、遺情想像渾難道無  
故褰幃入夢來、

夜得豔夢、

再見翻疑婪尾春、黃陵無復茜裙新、當年歌舞都如夢、猶  
憶何處是舊人、

重見鼓妓王淑媛、

俛仰都成厭倦聲、中年齊欲掩狂名、新聞薊北紅牙拍、更覺香塵此意輕、

阿嬈來自香江、

到晚相驚暗綠凋、素馨花謝可憐條、嶺南香雪真辜負、弱縷豐翹半退嬌、

內子與阿嬈話舊、被命遺詩、寄香江謝阿素、

宋臆清歌世所希、燕姬儻節亦精微、梅魂菊影商量徧、不

敢雌黃判是非

與弟弟聽金少梅歌六月雪

六月飛霜豈譏言祇因碧玉賦煩冤且將天意窺人意舉  
座歡痕換涕痕

酬金少梅爲演六月雪

蒼生託命到歌鬟聞說揚蛾出玉班別有心慙誰解得令  
人長憶謝東山

弟弟演宇宙瘋於第一臺爲華北旱災籌賑

阿蠻十五擅絃么今古塵生待一澆安得黃金助歌舞教  
坊佐命霸雲韶

弟弟欲廢娼業優愛真能助

歷劫阿羅有妄因烟花集子日清新本無比附網繻意鈿  
合投君歎不倫

欲贈弟弟煙合擬二十八字倩良工制之

紅拂張孃善相人更無李靖可論姻江南故將雖才慧祇  
合空靈賦洛神



紅拂妓卽張出塵、今北妓張筱卿、亦善相人、

春燈 辛酉

憶阿巧、

春燈猶有舊年紅人在喧闐不寐中  
黃海似傳芳躅杳朱樓何事錦屏空  
更無玉枕能相授却信靈犀自可通  
一夜繁憂偏失據別來涉想卽今窮

收拾

收拾清狂每自持祇因積習未全醫  
不妨且作無腸蟹那

得都稱沒字碑叔寶心肝曾誤國元龍湖海豈逢時陽臺  
洛水荒唐甚漸欲芟除本事詩

舊有公子之稱、當冠以無腸二字、已未庚申、俱有雜詩、  
辛酉年頗思戒之、

衡門

衡門一日玉鸞過促席流波笑語和忍教微詞生慍怒坐  
看纖指費摩搓神光離合終無據良會須臾信未多縱說  
長吟能永慕也難想像此黎渦

片時

忽勞王母降霞旌、遠越星河接帝城、五馬踟躕聽杜宇、一  
年寥闊見雲英、春華努力窺衣帶、銀海浮光指玉衡、願得  
片時長巧笑、轉無言語慰紅粧

疇昔之夜、個儂有約、驅車犯險、鍵戶而談、申禮防以自  
持、對寒藥而俱笑、精彩相授、陳辭不遑、良會永絕、誰者  
可語、乃爲遺情之句、以志使君之思、

晚芳卜居深巷、被命有作爲書中堂

久絕芳筵謝綺看  
眼看總角已垂髻  
未容寂寞羞鸞鏡  
卻許清嚴履鳳巢  
世亂應知醇酒樂  
天荒難得美人交  
江湖倦後蕭閒甚  
更與殷勤譜玉梢

晚芳卽弟弟小字

辛酉六月三十日作

今朝度盡少年程  
打疊閑閑苦未更  
三十功名塵土淚  
千重擔荷室家情  
每嫌習俗徒多事  
不信妝臺誤此生  
安得孑然還故我  
短刀匹馬任橫行

題贈南洋丘潘夫人

蓬島無凡卉、淤泥吐佛蓮、風塵激壯志、巾幗傲明賢、游俠尊紅拂、清才擬絳仙、南天存閩範、中土爲珍傳。

夫人潘氏、自號天南恨人、粵中貧家女、幼入勾欄、鴉母挈之南渡、於日里棉蘭、遇丘君武澤、委身事焉、時丘君年已四十、而夫人方十七也、先是有閩人鍾某、年少貌美、而又多資、夙有娶夫人意、夫人峻拒之、而歸丘君、丘曰、吾年老、所蓄僅七百合、徒苦夫人、無益也、夫人曰、卽

七十金何傷、况七、百、金、耶、爲益三百、得千金、營小本經紀、賴夫人內助之力、無不利、越年、獲利及十萬、夫人勤操作如故、得暇則延師授讀、能知天下事、有救國之志、遂捐資興學、曰、吾財由社會得來、吾將返諸社會也、一時有女傑之稱、

月圓後二夕

高樓西北見雲英、咫尺終勞反顧情、圓月不常追急景、明燈依舊綰離旌、料應挾瑟多新寵、未必彈箏念故聲、遠道

寒風自歸去夜長猶誦嘯春鶯

月圓後二夕、微步歌場、邂逅之間、忽有佳遇、高樓端拱、  
個儂在焉、昔在客館、鍵室爲會、相守禮防、別無後約、不  
期今夕、更見雲英、阿母扶持、雜以女伴、笙歌聒耳、引領  
爲勞、乃挑旁坐之怒、發暗囁之喧、舉座沸騰、萬人側目、  
個儂靜澹、迄不爲動、黔盧技盡、惟有太息、適佳劇登場、  
人多凝視、我獨反顧、自呈其顏、天心庇佑、竟獲目成、勝  
胸之餘、倉皇遁去、不欲近接、摧我心肝、退作哀吟、以自

抒寫、

再贈晚芳

尙有花間碩果存、中年彌覺此情敦、權將不負蒼生意、欲  
報無多膩友恩、寶劍明珠終可托、春蘭秋草漸難論、清時  
燕婉衾幃在、莫教吳霜到鬢根、

葉煥章先生見此詩、曾爲改易、并錄之、一笑、微波記目  
存、花前携手最消魂、難忘鈿合三生約、肯負金環再世  
恩、寶劍明珠終有托、春蘭秋菊漫同論、清時燕婉衾幃



在、斷粉零香到髮根、吾詩固生硬、然詩意不可移、乃兩  
存之、

壬戌初筆

壬戌

學佛學屠信自如微聞上將走輜車十年猶逐秦疆鹿萬  
戶同枯楚肆魚黃海夷艘閒作浪長江天塹欲成墟六朝  
舊恨從頭記亦有塵心未可除

寄懷畢倚虹

君小說家也

白雲一綫隱虹拳金碧靈光落采箋信有微言參大義還

將小道掩多賢、長吟高士閒居賦、爲續神交寶劍篇、我亦  
婆婆生意盡湖山、日日注心泉

題畹芳小照

畹芳贈我影片、淡粧素服、道左徘徊、手把花枝、如  
聞太息、不知心怨誰也、

弱影纖條怯路歧、低徊何忍當花枝、料應拾得相思草、怨  
我清狂采擷遲

爲紫羅蘭庵主人作

主人周姓、字瘦鵝、海上小說家也、

日日江頭對好風、十年懷想與花同、春禽欲老秋蟲倦、  
紫新紅一夢中、

劇憐臣朔亦心長、省識西天玉女妝、千古漢家狂釀酒、  
英吹氣爲誰香、

紫羅蘭花、西方產、吾國紫蘭典故、初見于漢武內傳、帝  
閒居承華殿、東方朔在側、忽見一女子、著青衣、美麗非  
常、帝問此何人、朔曰、是西王母紫蘭宮玉女、

題胡寄塵所刊雜著 癸亥

是書書目、一詩學雜著、一江湖異人傳、一金魚譜、  
一石菖蒲譜、

懷得紺光記事珠異人原自在江湖金魚換酒彈箏後似  
筆新蒲正可濡

再寄惜儂

幾度相逢苦惜君  
婪春未改舊溫文  
幽居獨對江頭月  
密意難忘嶺上雲  
漸學愚癡拋卷冊  
勉從凡豔重衣裙  
玉京

朝會商量後卻又遽巡厭衆紛

壬戌孟冬予有海上之游、曾見惜儂于其私廬、白云文字誤我、今不親書卷、而獨重衣妝矣、并云將待來年、借美妓入京、蓋皆哀憤之語也、後以予未留後約、匆卒返京、今年惜儂亦未果來、衾影慚惶、詩以謝之、

陌路

逢君此日一沈吟、陌路西陵亦古今、髻樣已非圓月影、眉彎猶寄舊時心、縱然小立人如玉、其奈當前笑似金、咫尺

天涯各迴避料應言語俱難尋

曾破工夫久過從曾隨檀板唱琤琮幾多格調拋心力不  
少溫柔盪肺胸未必紫鸞真有幸如何青鳥竟無蹤相逢  
省識人終在寧忍輕期玉女峯

尙有花間邂逅緣便教奢望不能捐中年感舊人無幾亂  
世司香事更專從此風塵盡蕭艾斷難老病罷觴絃誰知  
慰我悽惶意在汝低眸拂鬢邊

悔從交臂失攀追道聽塗言未解疑豈有新巢偕鳳侶還

傳妙舞沮燕姬窮搜冥索原多事反側遙思祇自持日後  
更誰堪咏嘆剜心齊付四愁詩


入歲以來、北里中已無畹芳蹤跡、聞已適人、近見之公  
園、作良家裝束、低徊自去、未得通一語也、但另聞人云、  
小姑居處、未必有郎、行將現身歌舞、爲女優矣、消息迷  
離、莫由判別、家居懶放、更不鈎稽、惟交游零落、已鮮餘  
人、詩料既窮、吟咏可廢、剜心爲此四章、以殿葬心集之  
後、吾此後其何以爲詩乎、

葬心集終

21-36

葬心集

五十八





中華民國十二年九月初版

海鳴詩存

每本售大洋四角

▲諸批評、▲請介紹、

### 版權所有

撰輯者 衡陽何海鳴  
印刷者 海僑印刷局  
發行者 僑務旬刊社  
寄售處 上海各大書局

●照本翻印圖利者不許  
●採選或編入詩話不禁  
●非律賓及新加坡幣  
●荷蘭幣二盾可購三冊  
●信可夾寄

### 詩書法

所印崇內五老胡同地  
係海鳴舊居。今已  
宣武門內頭髮胡同  
乞新地址書寫  
看照

### 購者注意

▲既讀海鳴詩

▲又得海鳴字

凡購詩存一部者均附有一

一元優待券一張其效用與券

上所載者同。譬如四尺聯。連郵費紙墨

費需洋三元八角(寄紙來者減二角)如夾

此券則僅收一元八角。郵票照收。但

以二分者為限。又每券只能用一次。每


一次祇准搭用一張。

如不欲對聯。而欲冊頁扇面者。亦可

扇及冊頁連同此券寄下。每件連郵費僅

大洋陸角。并可指明寫詩存中之任

詩句。連同書價一元而已。



# 海僑印刷局廣告

本局承印一切文件。印刷精美。定價低廉。交貨迅速。歡迎外埠及海外僑埠通函訂印各項書冊簿據箋啓名片等項。凡有意惠顧者。可先行函詢價目。當能知本局對於顧客之勤懇公道也。